

1.	05.06.2009	N 12	ԼՂՀ կառավարության 2007թ. հոկտեմբերի 29-ի «Ձարգացման արցախյան գործակալություն» պետական ոչ առևտրային կազմակերպությունը Արցախի ներդրումային հիմնադրամի վերակազմակերպելու և հիմնադրամի կանոնադրությունը հաստատելու մասին» թիվ 451 որոշման մեջ փոփոխություններ և լրացումներ կատարելու մասին
2.	19.10.2012	N 728-Ն	ԼՂՀ կառավարության 2007թ. հոկտեմբերի 29-ի «Ձարգացման արցախյան գործակալություն» պետական ոչ առևտրային կազմակերպությունը Արցախի ներդրումային հիմնադրամի վերակազմակերպելու և հիմնադրամի կանոնադրությունը հաստատելու մասին» թիվ 451 որոշման մեջ փոփոխություններ և լրացումներ կատարելու մասին
3.	24.08.2013	N 576-Ն	ԼՂՀ կառավարության 2007թ. հոկտեմբերի 29-ի «Ձարգացման արցախյան գործակալություն» պետական ոչ առևտրային կազմակերպությունը Արցախի ներդրումային հիմնադրամի վերակազմակերպելու և հիմնադրամի կանոնադրությունը հաստատելու մասին» թիվ 451 որոշման մեջ փոփոխություններ և լրացումներ կատարելու մասին
4.	15.01.2015	N 03	ԼՂՀ կառավարության 2007թ. հոկտեմբերի 29-ի «Ձարգացման արցախյան գործակալություն» պետական ոչ առևտրային կազմակերպությունը Արցախի ներդրումային հիմնադրամի վերակազմակերպելու և հիմնադրամի կանոնադրությունը հաստատելու մասին» թիվ 451 որոշման մեջ փոփոխություններ և լրացումներ կատարելու մասին
5.	16.10.2017	N 57-Ն	ԼՂՀ կառավարության 2007թ. հոկտեմբերի 29-ի «Ձարգացման արցախյան գործակալություն» պետական ոչ առևտրային կազմակերպությունը Արցախի ներդրումային հիմնադրամի վերակազմակերպելու և հիմնադրամի կանոնադրությունը հաստատելու մասին» թիվ 451 որոշման մեջ փոփոխություններ և լրացումներ կատարելու մասին
6.	24.05.2018	N 403-Ն	ԼՂՀ կառավարության 2007թ. հոկտեմբերի 29-ի «Ձարգացման արցախյան գործակալություն» պետական ոչ առևտրային կազմակերպությունը Արցախի ներդրումային հիմնադրամի վերակազմակերպելու և հիմնադրամի կանոնադրությունը հաստատելու մասին» թիվ 451 որոշման մեջ փոփոխություններ և լրացումներ կատարելու մասին
7.	06.03.2019	N 122 -Ն	ԼՂՀ կառավարության 2007թ. հոկտեմբերի 29-ի «Ձարգացման արցախյան գործակալություն» պետական ոչ առևտրային կազմակերպությունը Արցախի ներդրումային հիմնադրամի վերակազմակերպելու և հիմնադրամի կանոնադրությունը հաստատելու մասին» թիվ 451 որոշման մեջ փոփոխություններ և լրացումներ կատարելու մասին
8.	17.06.2020	N 89 -Ն	ԼՂՀ կառավարության 2007թ. հոկտեմբերի 29-ի «Ձարգացման արցախյան գործակալություն» պետական ոչ առևտրային կազմակերպությունը Արցախի ներդրումային հիմնադրամի վերակազմակերպելու և հիմնադրամի կանոնադրությունը հաստատելու մասին» թիվ 451 որոշման մեջ փոփոխություններ և լրացումներ կատարելու մասին

**ԿԱՆՈՆԱԴՐՈՒԹՅՈՒՆ**  
**ԱՐՑԱԽԻ ՆԵՐԴՐՈՒՄԱՅԻՆ ՀԻՄՆԱԴՐԱՄԻ**

**I. ԸՆԴՀԱՆՈՒՐ ԴՐՈՒՅԹՆԵՐ**

1. Արցախի ներդրումային հիմնադրամը (այսուհետ՝ հիմնադրամ) կամավոր գույքային վճարների հիման վրա ստեղծված է անդամություն չունեցող ոչ առևտրային կազմակերպություն է:

2. Հիմնադրամն ստեղծվել է Լեռնային Ղարաբաղի Հանրապետության քաղաքացիական օրենսգրքի, «Հիմնադրամների մասին», «Պետական ոչ առևտրային կազմակերպությունների մասին» Լեռնային Ղարաբաղի Հանրապետության օրենքների պահանջներին համապատասխան ու

«Զարգացման արցախյան գործակալություն» ՊՈԱԿ-ի վերակազմակերպման արդյունքում և հանդիսանում է նրա իրավահաջորդը՝ փոխանցման ակտին համապատասխան: Հիմնադրամն իր գործունեության ընթացքում ղեկավարվում է Լեռնային Ղարաբաղի Հանրապետության օրենսդրությամբ, Լեռնային Ղարաբաղի Հանրապետության միջազգային պայմանագրերով եւ սույն կանոնադրությամբ:

3. Հիմնադրամի հիմնադիրն է Լեռնային Ղարաբաղի Հանրապետությունը՝ ի դեմս Լեռնային Ղարաբաղի Հանրապետության կառավարության: Հիմնադրի լիազորված մարմինն է Լեռնային Ղարաբաղի Հանրապետության կառավարության աշխատակազմը:

4. Հիմնադրամի անվանումն է՝  
հայերեն՝ Արցախի ներդրումային հիմնադրամ  
ռուսերեն՝ Арцахский инвестиционный фонд  
անգլերեն՝ Artsakh Investment Fund

5. Հիմնադրամի գտնվելու վայրը և իրավաբանական հասցեն է՝ Լեռնային Ղարաբաղի Հանրապետություն, ք. Մտեփանակերտ, Տիգրան Մեծ 37/22:

**(փոփ. N 03, 15.01.2015)**

6. Հիմնադրամի գործունեության ժամկետը՝ անժամկետ է:

7. Հիմնադրամի շահառուներն են ֆիզիկական և իրավաբանական անձինք:

## II. ՀԻՄՆԱԴՐԱՄԻ ԳՈՐԾՈՒՆԵՈՒԹՅԱՆ ՆՊԱՏԱԿՆԵՐԸ ԵՎ ԽՆԴԻՐՆԵՐԸ

8. Հիմնադրամի գործունեության նպատակներն են՝  
Լեռնային Ղարաբաղի Հանրապետության սոցիալ-տնտեսական տարբեր բնագավառների, այդ թվում՝

- արդյունաբերության,
- գյուղատնտեսության,
- շինարարության,
- առևտրի,
- հանրային սննդի,
- հյուրանոցային ծառայությունների,
- զբոսաշրջության և սպորտի,
- տրանսպորտի, կապի, էներգետիկայի, էլեկտրոնային հաղորդակցության, ջրի, գազի և արտադրական այլ ենթակառուցվածքների,
- ֆինանսական (այդ թվում՝ արժույթային կարգավորման բնագավառում), սոցիալական, կրթական, առողջապահական, գիտական և մշակութային,
- այլ ոլորտների զարգացմանը նպաստելը, ԼՂՀ-ում սկսնակ և գործող տնտեսավարող սուբյեկտներին աջակցություն տրամադրելը:

9. Հիմնադրամի խնդիրներն են՝

1. գիտական հետազոտությունների իրականացումը (այդ թվում՝ նաև ներգրավված մասնագետների միջոցով), փորձագիտական գնահատումների իրականացումը և պատվիրումը, արդյունքների օգտագործումը և դրանց ներդրմանն աջակցությունը,
2. առանձին ծրագրերի մշակումը և իրականացումը,
3. հանրապետության շրջանների և համայնքների, գյուղական բնակավայրերի զարգացման ծրագրերի մշակումը, իրականացումը և դրանց աջակցությունը,
4. գիտական սեմինարների, համաժողովների, ցուցահանդեսների, ուսուցողական դասընթացների կազմակերպումը և իրականացումը,
5. մասնագետների պատրաստումը և վերապատրաստումը (այդ թվում՝ այլ երկրներում),
6. տեղեկատվական ցանցի ստեղծումը և տեղեկատվության տարածումը,

7. ԼՂՀ-ում փոքր և միջին ձեռնարկատիրության (այսուհետ՝ ՓՄՁ) պետական աջակցության ապահովումը, զարգացմանը նպաստումը, սուբյեկտներին տեխնիկական, տեխնոլոգիական, ֆինանսական (վարկային), ներդրումային և այլ բնույթի աջակցությունը,

8. արտաքին տնտեսական գործունեության խթանումը, օտարերկրյա ներդրողների, հնարավոր գործընկերների միջև գործարար կապերի ստեղծումը,

9. նորարարական գործունեությանը, ժամանակակից տեխնոլոգիաների և համակարգչային ծրագրավորման ներդրմանը աջակցությունը,

10. հիվորթեքային (նաև սոցիալական), այդ թվում՝ առանց գրավի վարկավորման մեխանիզմների մշակումը և իրականացումը, փոխառությունների ստացումը և տրամադրումը, արժեթղթային այլ գործառնություններ,

11. հիմնադրամին ներկայացվող ծրագրերի փորձաքննությունը և հաստատումը, դրանց իրականացման աշխատանքների ֆինանսավորումը, կապալառուների և խորհրդատուների (նաև գործակալների և այլ միջնորդների) ընտրությունը,

12. հիմնադրամի բոլոր ծրագրերի նկատմամբ հսկողության ու վերահսկողության իրականացումը,

13. տնտեսավարող սուբյեկտներին խորհրդատվական և մեթոդաբանական օգնության և զարգացման հաջողակ մոդելների մշակումը և տրամադրումը,

14. առանձին ծրագրերի գծով նպատակային դրամաշնորհների տրամադրումը,

15. սեփական և ներգրավված (հովանավորչական, մարդասիրական և այլ) միջոցներով բարեգործական ծրագրերի իրականացումը,

16. արժեթղթերի բլանկների արտադրությունը և արժեթղթերի շուկայում մասնագիտացված գործունեությունը:

### III. ՀԻՄՆԱԴՐԱՄԻ ԻՐԱՎԱԿԱՆ ԿԱՐԳԱՎԻՃԱԿԸ

10. Հիմնադրամը ստեղծված է համարվում օրենքով սահմանված կարգով պետական գրանցման պահից:

11. Հիմնադրամն օգտվում է իրավաբանական անձի համար օրենքով սահմանված բոլոր իրավունքներից եւ կրում է համապատասխան պարտականություններ:

12. Հիմնադրամն ունի առանձնացված գույք, ինքնուրույն հաշվեկշիռ, Լեռնային Ղարաբաղի Հանրապետության եւ այլ պետությունների բանկերում հաշվարկային ու այլ հաշիվներ, իր անվանմամբ ու հիմնադրամի խորհրդանիշի պատկերով կնիք, դրոշմակնիք, ձեւաթուղթ եւ անհատականացման այլ միջոցներ:

*(փոփ. N 12, 05.06.2009)*

13. Հիմնադրամն իր անունից կարող է ձեռք բերել գույքային եւ անձնական ոչ գույքային իրավունքներ, կրել պարտականություններ, դատարանում հանդես գալ որպես հայցվոր կամ պատասխանող: Հիմնադրամն իր պարտավորությունների համար պատասխանատու է սեփականության իրավունքով իրեն պատկանող ամբողջ գույքով:

14. Հիմնադրամի իրավունքները կարող են սահմանափակվել միայն օրենքով նախատեսված դեպքերում եւ կարգով:

15. Հիմնադրամը կարող է անձամբ զբաղվել ձեռնարկատիրական գործունեության հետեւյալ տեսակներով՝

1. Նախնական /արհեստագործական/ մասնագիտական կրթական ծրագրերի իրականացում,
2. Տվյալների փոխանցման ծառայությունների մատուցում,
3. Մաքսային պահեստում, մաքսային հսկողության ներքո ապրանքների պահպանություն,
4. Անմաքս առևտրի խանութում մաքսային հսկողության ներքո ապրանքների իրացում,
5. Մաքսային միջնորդական գործունեություն,
6. Մաքսային փոխադրողի գործունեություն,
7. Զբոսավայրի գործունեություն,
8. Ուղեկցորդի գործունեություն,

9. Լիցենզավորման ենթակա գործունեության տեսակների վերաբերյալ օրենքով նախատեսված փորձաքննությունների իրականացում,

10. Օրենքների և նորմատիվ իրավական ակտերի ոչ պաշտոնական հրատարակում, բազմացում կամ պաշտոնական վերահրատարակում,

11. Անվճարունակ կազմակերպությունների անվճարունակության գործերով կառավարչի գործունեության իրականացում,

12. Անշարժ գույքի գնահատում,

13. Ռիելթորական գործունեություն,

14. Առողիտորական ծառայությունների իրականացում,

15. Հրատարակչական գործ,

16. Տվյալների բազայի ստեղծման գործունեություն,

17. Շուկայի իրավիճակի և հասարակական կարծիքի բացահայտման հետազոտություններ,

18. Նպատակային դասընթացների կազմակերպում,

19. Տեխնիկական փորձարկումներ և վերլուծություններ,

20. Խորհրդատվություններ՝ առևտրային գործունեության և կառավարման հարցերով,

21. Գովազդ:

16. Հիմնադրամը կարող է՝

- ԼՂՀ օրենսդրությամբ չարգելված ցանկացած ձևով ձեռք բերել գույք, ինչպես նաև արժեթղթեր, տնօրինել, տիրապետել և օգտագործել դրանք, ինչպես նաև դրանց արդյունքում առաջացած եկամուտը,

- ինքնուրույն ձևավորել իր ֆինանսական միջոցները, ինչպես նաև ստանալ վարկ, տրամադրել և ստանալ այլ փոխառություններ, դրամաշնորհներ և օրենսդրությամբ չարգելված այլ միջոցներ,

- առանձին ծրագրերի իրականացման համար վարկային ռեսուրսներ ներգրավելու նպատակով թողարկել արժեթղթեր,

- իրականացնել անվանական ծրագրեր՝ խոշոր միանվագ մուծումների դեպքում:

17. Հիմնադրամը պատասխանատվություն չի կրում իր հիմնադրի պարտավորությունների, իսկ հիմնադիրը՝ հիմնադրամի պարտավորությունների համար:

18. Հիմնադրամն իրավունք ունի ստեղծելու ներկայացուցչություններ, մասնաձյուղեր եւ հիմնարկներ:

Հիմնադրամի կողմից տնտեսական ընկերությունների ստեղծման կամ դրանցում մասնակցության, ինչպես նաև առանձնացված ստորաբաժանումների ու հիմնարկների ստեղծման դեպքում հիմնադրամի՝ որպես հիմնադրի, անունից հանդես է գալիս գլխավոր տնօրենը:

#### IV. ՀԻՄՆԱԴՐԱՄԻ ԳՈՒՅՔԸ

19. Հիմնադրի՝ հիմնադրամին հանձնված գույքը հիմնադրամի սեփականությունն է:

20. Հիմնադրամը տիրապետում, օգտագործում ու տնօրինում է իրեն պատկանող եւ իր կողմից ձեռք բերված գույքը, այդ թվում՝ ֆինանսական միջոցները, իր գործունեության նպատակներին ու գույքի նշանակությանը համապատասխան:

21. Հիմնադրամը կարող է որպես սեփականություն ունենալ անշարժ եւ շարժական գույք, դրամական միջոցներ՝ դրամ, արտարժույթ եւ այլ ոչ նյութական ակտիվներ:

22. Հիմնադրամի գույքի՝ ներառյալ ֆինանսական միջոցների, գոյացման աղբյուրներն են՝

ա) Լեռնային Ղարաբաղի Հանրապետության կառավարության կողմից իրականացվող ֆինանսական եւ նյութական ներդրումները,

բ) ֆիզիկական եւ իրավաբանական անձանց նվիրատվություններն ու նվիրաբերությունները, այդ թվում՝ օտարերկրյա քաղաքացիների, իրավաբանական անձանց, միջազգային կազմակերպությունների նվիրատվությունները եւ նվիրաբերությունները,

- զ) դրամական մուտքերը պետական բյուջեից,
  - դ) դրամաշնորհները,
  - ե) հիմնադրամի և իր ստեղծած կամ իր մասնակցությամբ տնտեսական ընկերությունների ձեռնարկատիրական գործունեությունից ստացված միջոցները,
  - զ) հանգանակությունները,
  - է) Լեոնային Ղարաբաղի Հանրապետության օրենսդրությամբ չարգելված այլ աղբյուրներ:
23. Հիմնադրամի յուրաքանչյուր մասնակից, իր մուծումների չափին համապատասխան, ստանում է վկայական: Հիմնադրամի կազմավորման եւ միջոցների հավաքագրման գործին մեծ նպաստ բերած անձանց հիմնադրամի հոգաբարձուների խորհրդի կողմից կարող են շնորհվել պատվավոր կոչումներ:
24. Հիմնադրամը պարտավոր է ամեն տարի հրապարակել հաշվետվություն իր սեփականությունը հանդիսացող գույքի օգտագործման մասին:

## **V. ՀԻՄՆԱԴՐԱՄԻ ԿԱՌԱՎԱՐՄԱՆ ՄԱՐՄԻՆՆԵՐԸ**

25. Հիմնադրամն իր գործունեությունն իրականացնում է իր մարմինների միջոցով:  
Հիմնադրամի մարմիններն են`
- ա) հոգաբարձուների խորհուրդը,
  - բ) կառավարիչը` գլխավոր տնօրենը:
26. Հիմնադրամի կառավարման բարձրագույն եւ հսկողություն իրականացնող մարմինը 6 անձից բաղկացած հոգաբարձուների խորհուրդն է (այսուհետ` Խորհուրդ), որը Լեոնային Ղարաբաղի Հանրապետության օրենսդրությանը համապատասխան ղեկավարում է հիմնադրամի գործունեությունը:  
*(փոփ. N 728-Ն, 19.10.2012, փոփ. N 576-Ն, 24.08.2013, փոփ. N 403-Ն, 24.05.2018, փոփ. N 122-Ն, 06.03.2019, փոփ. N 89-Ն, 17.06.2020)*
27. Խորհուրդը գլխավորում է խորհրդի նախագահը, որն ի պաշտոնե Արցախի Հանրապետության Նախագահն է:  
*(փոփ. N 57-Ն, 16.10.2017, փոփ. N 89-Ն, 17.06.2020)*
28. Խորհրդի անդամները չեն կարող լինել հիմնադրամի այլ մարմնի անդամ:
29. Խորհրդի անդամներն իրենց պարտականությունները կատարում են հասարակական հիմունքներով: Խորհրդի անդամի համար կարող է սահմանվել դրամական փոխհատուցում այն ծախսերի համար, որոնք կապված են խորհրդի անդամի պարտականությունների կատարման հետ: Փոխհատուցման վճարման կարգը սահմանում է Խորհուրդը:
30. Խորհրդի անդամների լիազորությունների դադարման եւ նոր անդամի ընտրության կարգը սահմանվում է «Հիմնադրամների մասին» Լեոնային Ղարաբաղի Հանրապետության օրենքով (այսուհետ` օրենք):
31. Խորհուրդն իր լիազորություններն իրականացնում է նիստերի միջոցով:  
Խորհրդի նիստն իրավագոր է, եթե դրան մասնակցում է Խորհրդի անդամների կեսից ավելին:  
Խորհրդի որոշումներն ընդունվում են նիստին մասնակցող անդամների ձայների մեծամասնությամբ:
32. Գլխավոր տնօրենի ընտրության եւ պաշտոնից ազատման, ինչպես նաեւ հիմնադրամի անվանման փոփոխության, վերակազմակերպման, լուծարման ու կանոնադրության մեջ փոփոխության կամ նոր խմբագրությամբ կանոնադրության հաստատման մասին որոշումներն ընդունվում են Խորհրդի անդամների ընդհանուր թվի ձայների որակյալ (2/3) մեծամասնությամբ:
33. Խորհրդի նիստերը գումարվում են ոչ պակաս, քան տարին մեկ անգամ` Խորհրդի նախագահի կողմից: Խորհրդի նիստերը կարող են հրավիրվել նաեւ Խորհրդի անդամների 1/3-ի պահանջով` նախագահի կողմից` համապատասխան պահանջը ներկայացվելուց հետո 30 օրվա ընթացքում: Եթե նշված ժամկետում խորհրդի նախագահը նիստ չի հրավիրում, ապա կարող են նիստ հրավիրել նման պահանջ ներկայացրած անձինք:

Նիստերը կարող են անցկացվել էլեկտրոնային փուստի կամ կապի այլ միջոցների կիրառմամբ, ինչպես նաև հարցման կարգով:

34. Խորհրդի նիստին խորհրդակցական ձայնի իրավունքով կարող է մասնակցել հիմնադրամի գլխավոր տնօրենը:

35. Եթե խորհրդի նիստում քննարկվում է Խորհրդի որեւէ անդամի կամ նրա հետ փոխկապակցված անձի գույքային եւ այլ շահերին վերաբերող հարց, ապա Խորհրդի տվյալ անդամը քվեարկությանը չի մասնակցում:

36. Խորհրդի իրավասությանն են պատկանում`

ա) հիմնադրամի ռազմավարական ծրագրերի հաստատումը.

բ) հիմնադրամի կողմից իրականացվող /այդ թվում անձամբ/ ձեռնարկատիրական գործունեության տեսակների սահմանումը.

գ) հիմնադրամի բյուջեի, դրանում կատարվող փոփոխությունների, տարեկան ֆինանսական հաշվետվությունների եւ հիմնադրամի գործունեության մասին տարեկան հաշվետվությունների հաստատումը.

դ) հիմնադրամի գույքի տնօրինման կարգի հաստատումը.

ե) հիմնադրամի վերակազմակերպման մասին որոշման ընդունումը.

զ) Խորհրդի անդամների լիազորությունների վաղաժամկետ դադարման մասին որոշումների ընդունումը.

է) գլխավոր տնօրենի ընտրության ու նրա լիազորությունների վաղաժամկետ դադարման մասին որոշումների ընդունումը.

ը) հիմնադրամի կանոնադրության մեջ փոփոխություններ եւ լրացումներ կատարելու, նոր խմբագրությամբ կանոնադրությունը հաստատելու մասին որոշումների ընդունումը.

թ) տնտեսական ընկերությունների ստեղծման կամ դրանցում մասնակցության, ինչպես նաև առանձնացված ստորաբաժանումների ու հիմնարկների ստեղծման եւ դրանց կանոնադրությունների մասին որոշումների ընդունումը.

ժ) հիմնադրամի ֆինանսատնտեսական գործունեության վերահսկումը.

ժա) գլխավոր տնօրենի հաշվետվությունների լսումը, ոչ պակաս, քան տարին մեկ անգամ.

ժբ) իր որոշումների կատարման ընթացքի վերահսկումը.

ժգ) հիմնադրամի աուդիտ իրականացնող անձի /աուդիտորի/ ընտրությունը` գլխավոր տնօրենի ներկայացմամբ,

ժդ) հիմնադրամի կառուցվածքի հաստատումը,

ժե) հիմնադրամի հաստիքացուցակի հաստատումը,

ժզ) հիմնադրամի լուծարման հարցով դատարան դիմելու մասին որոշման ընդունումը,

ժէ) հիմնադրամի լուծարման հանձնաժողովի (լուծարողի) նշանակումը, լուծարման կարգի ու ժամկետների սահմանումը, լուծարման միջանկյալ հաշվեկշռի հաստատումը, լուծարման հաշվեկշռի հաստատումը,

ժը) սույն կանոնադրությամբ նախատեսված, ինչպես նաև հիմնադրամի այլ մարմիններին չվերապահված այլ լիազորությունների իրականացումը:

37. Խորհրդի իրավասությանը վերաբերող հարցերը կանոնադրությամբ չեն կարող փոխանցվել այլ մարմնի:

38. Խորհուրդն իրավունք ունի ծանոթանալու հիմնադրամի բոլոր փաստաթղթերին:

39. Խորհրդի նախագահը`

ա) կազմակերպում է Խորհրդի աշխատանքները.

բ) գումարում է Խորհրդի նիստերը եւ նախագահում դրանք.

գ) կազմակերպում է նիստի արձանագրության վարումը.

դ) Խորհրդի քննարկմանն է ներկայացնում Խորհրդի անդամների լիազորությունների դադարեցման մասին որոշման նախագիծ.

40. Խորհրդի նախագահի բացակայության դեպքում` Խորհրդի որոշմամբ, նրա պարտականությունները կատարում է Խորհրդի անդամներից մեկը:

41. Հիմնադրամի ընթացիկ գործունեությունը ղեկավարում է կառավարիչը՝ գլխավոր տնօրենը:

42. Գլխավոր տնօրենի իրավասությանն են պատկանում հիմնադրամի ընթացիկ գործունեության կառավարման բոլոր հարցերը, ինչպես նաև այն լիազորությունները, որոնք օրենքով և սույն կանոնադրությամբ վերապահված չեն Խորհրդին:

Գլխավոր տնօրենը կազմակերպում է Խորհրդի որոշումների կատարումը:

Գլխավոր տնօրենին ընտրում եւ պաշտոնից ազատում է Խորհուրդը:

Գլխավոր տնօրենի իրավունքներն ու պարտականությունները սահմանվում են սույն կանոնադրությամբ եւ նրա հետ կնքված պայմանագրով: Հիմնադրի անունից պայմանագիրն ստորագրում է Խորհրդի նախագահը:

43. Հիմնադրամի գլխավոր տնօրենը՝

ա) տնօրինում է հիմնադրամի գույքը, այդ թվում՝ ֆինանսական միջոցները, գործարքներ է կնքում հիմնադրամի անունից.

բ) ներկայացնում է հիմնադրամը Լեռնային Ղարաբաղի Հանրապետությունում եւ օտարերկրյա պետություններում.

գ) գործում է առանց լիազորագրի.

դ) տալիս է լիազորագրեր.

ե) կնքում է պայմանագրեր, այդ թվում՝ աշխատանքային.

զ) բանկերում բացում է հիմնադրամի հաշվարկային (այդ թվում՝ արտարժույթային) եւ այլ հաշիվներ.

է) խորհրդի հաստատմանն է ներկայացնում հիմնադրամի աշխատանքային ներքին կանոնակարգը, առանձնացված ստորաբաժանումների, հիմնարկների եւ հիմնադրամի կողմից հիմնադրվող տնտեսական ընկերությունների կանոնադրությունները, հիմնադրամի վարչակազմակերպական կառուցվածքն ու հաստիքացուցակը.

ը) սահմանում է հիմնադրամի կառուցվածքային ստորաբաժանումների ներքին կառուցվածքը և հաստիքների քանակը՝ ըստ հաստատված կառուցվածքի և հաստիքացուցակի.

թ) իր իրավասության սահմաններում արձակում է հրամաններ, հրահանգներ, տալիս պարտադիր կատարման համար ցուցումներ եւ վերահսկում դրանց կատարումը.

ժ) սահմանված կարգով աշխատանքի է նշանակում եւ աշխատանքից ազատում հիմնադրամի աշխատողներին, այդ թվում՝ հիմնադրամի առանձնացված ստորաբաժանումների, հիմնարկների ղեկավարներին ու աշխատողներին.

ժա) աշխատողների նկատմամբ կիրառում է խրախուսման եւ կարգապահական պատասխանատվության միջոցներ:

ժբ) ձևավորում է հիմնադրամի գլխավոր տնօրենին առընթեր հանձնաժողովներ, հանձնախմբեր և խորհուրդներ, այդ թվում՝ վճարովի հիմունքներով:

44. Խորհուրդն իրավունք ունի ցանկացած ժամանակ լուծելու գործադիր տնօրենի հետ կնքած պայմանագիրը՝ օրենքով, սույն կանոնադրությամբ եւ տվյալ պայմանագրով սահմանված կարգով:

45. Խորհրդի նիստերն արձանագրվում են օրենքին համապատասխան:

## VI. ՀԻՄՆԱԴՐԱՄԻ ՖԻՆԱՆՍԱԿԱՆ ՀԱՇՎԵՏՎՈՒԹՅՈՒՆՆԵՐԻ ԱՌԻԴՏԸ

46. Հիմնադրամի ֆինանսական հաշվետվությունների աուդիտը կատարվում է անկախ աուդիտորների կողմից՝ առնվազն տարեկան մեկ անգամ:

47. Խորհրդի անդամների մեկ երրորդի պահանջով կարող է անցկացվել արտահերթ աուդիտորական ստուգում:

48. Աուդիտորներն ընտրվում են մրցութային կարգով եւ հաստատվում խորհրդի կողմից: Մրցույթը կազմակերպում է գլխավոր տնօրենը:

## VII. ՀԱՇՎԱՊԱՀԱԿԱՆ ՀԱՇՎԱՌՈՒՄԸ ԵՎ ՖԻՆԱՆՍԱԿԱՆ ՀԱՇՎԵՏՎՈՒԹՅՈՒՆԸ

49. Հիմնադրամը Լեռնային Ղարաբաղի Հանրապետության օրենսդրությամբ սահմանված կարգով վարում է հաշվապահական հաշվառում եւ ներկայացնում ֆինանսական ու վիճակագրական հաշվետվություններ:

50. Հիմնադրամի հաշվապահական հաշվառումը կազմակերպվում ու վարվում եւ հաշվապահական հաշվետվությունը կազմվում է Լեռնային Ղարաբաղի Հանրապետության օրենսդրությամբ սահմանված կարգով:

### **VIII. ՀԻՄՆԱԴՐԱՄԻ ՎԵՐԱԿԱԶՄԱԿԵՐՊՈՒՄԸ ԵՎ ԼՈՒԾԱՐՈՒՄԸ**

51. Հիմնադրամը կարող է վերակազմակերպվել կամ լուծարվել Լեռնային Ղարաբաղի Հանրապետության օրենսդրությամբ սահմանված կարգով:

52. Պարտատերերի պահանջները բավարարելուց հետո, ինչպես նաև այն դեպքում, երբ լուծարման միջանկյալ հաշվեկշիռը հաստատելու պահին հիմնադրամը չունի պարտավորություններ պարտատերերի նկատմամբ, գույքն ուղղվում է հիմնադրամի կանոնադրությամբ նախատեսված նպատակներին, իսկ դրա անհնարինության դեպքում փոխանցվում է Լեռնային Ղարաբաղի Հանրապետության պետական բյուջե: